





**INSTITUTI KOMBËTAR I SHËNDETËSISË
PUBLIKE TË KOSOVËS**



**SITUATA EPIDEMIOLOGJIKE ME INFLUENCË, COVID-19 DHE
PATOGENËT TJERË RESPIRATORË NË KOSOVË,
SEZONA 2025/2026 (JAVA 06-TË)**




PËRMBLEDHJE

Instituti Kombëtar i Shëndetësisë Publike gjatë tërë vitit bën mbikëqyrjen permanente të Influcencës sezonale (ILI), ARI dhe SARI me intensifikim të aktiviteteve gjatë sezonës përkatëse. Mbikëqyrja realizohet përmes hulumtimit aktiv dhe pasiv në institucione shëndetësore dhe terren.

**SITUATA EPIDEMIOLOGJIKE ME INFLUENCËN SEZONALE NË KOSOVË,
2021/2022 - 2025/2026**

Sipas grafikonit 1, ku janë paraqitur rastet e Influencës sezonale (ILI) në 5 sezonat e fundit shohim se sezona 2025/2026 karakterizohet me numër më të ulët të rasteve të raportura, krahasuar me periudhën e njëjtë të sezonës 2024/2025 dhe fillim të aktivitetit nga java e 40-të e sezonës 2025/2026.

Grafikoni.1



**SITUATA EPIDEMIOLOGJIKE ME INFLUENCËN SEZONALE NË KOSOVË, 2025/2026
DHE PRAGU EPIDEMIK**


Nga fillimi i sezonës, 29 shtator 2025 deri më 08 shkurt 2026 (java e 06-të) në Institutin Kombëtar të Shëndetësisë Publike të Kosovës janë raportuar 41,411 raste të Sëmundjes të ngjashme me Grip (ILI), 6,264 raste të Infeksioneve respiratore akute (ARI) dhe 51 raste me Infeksion të rëndë respirator akut (SARI).

Gjatë javës së 06-të (02.02.2026-08.02.2026) janë raportuar 1,702 raste ILI (Sëmundje e Ngjashme me Gripin), 257 raste ARI (Infeksion Respirator Akut) dhe 1 rast SARI (Infeksion i Rëndë Akut Respirator).


Përmes sistemit të mbikëqyrjes së sëmundjeve ngjitëse dhe paralajmërimit të hershëm (SMSN) janë raportuar 463 raste ILI dhe 18 raste ARI.


Intensiteti i Influencës sezonale sipas numrit të rasteve të raportuara për javën e 06-të paraqitet në aktivitetin e mesëm të ulët të qarkullimit dhe krahasuar me javën e kaluar shënon rënie prej 2.2%. (Graf.2)

Grafikoni.2



Në grafikonin 3 shohim se në të gjitha komunat janë raportuar raste të dyshimta në Influencë dhe sipas numrit të rasteve të raportuara, numër më të lartë kanë komuna e Prishtinës, Mitrovicës, Pejë dhe Prizrenit ndërsa sipas Incidencës numër më të lartë të rasteve kanë komuna e Kamenicës dhe Mitrovicës. *Grafikoni.3*





Në raport me distribuimin e rasteve sipas grup-moshës dhe incidencës, nga numri total i rasteve të raportuara me ILI, shihet se të gjitha grup-moshat janë të atakuara derisa sipas Incidencës; grup-mosha 04 dhe mbi 65 vjeç. Sa i përket rasteve me ARI, grup-mosha më e atakuar është 0-4 vjeç (4,410 raste) pastaj grup-mosha 5-14 vjeç (800 raste), 15-64 vjeç (701 raste), dhe grup-mosha 65+ vjeç (353 raste). (Graf.4)

Grafikoni.4



Në laboratorin e Qendrës Kombëtare të Influcencës – IKSHPK nga fillimi i sezonës 2025/2026 deri më 11 shkurt 2026, janë testuar gjithsej 3,285 mostra nga pacientët e qendrave sentinel dhe jo sentinel si raste të dyshimta në ILI, ARI dhe SARI. Nga mostrat e testuara 1,645 (50.1%) prej tyre të dyshimta në SARSCoV-2 dhe 1,640 (49.9%) të dyshimta në Influcencë dhe patogjenët tjerë respiratorë. Gjatë kësaj periudhe në SARS-CoV-2 janë konfirmuar 20 raste (1.2%). Nga 1,640 mostrat e testuara në Influcencë dhe patogjenët tjerë respiratorë janë konfirmuar 330 raste me Influcencë A (pozitiviteti 20.1%). Rastet e konfirmuara me Influcencë A janë nga komuna e Prishtinës (127 raste), Mitrovicë (55 raste), Fushë Kosovë (23 raste), Ferizaj (13 raste), Podujevë (14 raste), Malishevë (14 raste), Lipjan (12 raste), Vushtrri (10 raste), Drenas (8 raste), Kaçanik (6 raste), Skenderaj (6 raste), Gjakovë (5 raste), Viti (5 raste), Suharekë (5 raste), Gjilan (4 raste), Pejë (4 raste), Shtime (3 raste), Klinë (3 raste), Rahovec (2 raste), Graçanicë (2 raste), Kamenicë (2 raste), Prizren (2 raste) dhe me nga 1 rast komunitat : Novobërdë dhe Obiliq dhe i takojnë grup-moshës 0-4 vjeç (152 raste), 5-14 vjeç (85 raste), 15-34 vjeç (36 raste), 35-50 vjeç (15 raste), 51-64 vjeç (13 raste) dhe 65+ (29 raste). Gjatë javës së gjashtë (02.08.2026-08.02.2026), nga laboratorët private janë raportuar gjithsej 53 mostra të testuara si të dyshimta në SARS-CoV-2. Nga këto mostra nuk është konfirmuar asnjë rast pozitiv. Nga patogjenët tjerë respiratorë, janë konfirmuar: 228 mostra me RSV, 304 mostra me Human Rhinovirus, 157 mostra me Human Adenovirus, 28 mostra me Parainfluenza Virus dhe 15 mostra me Metapneumovirus (*Graf.5*). Rastet pozitive në RSV (13.9%), janë nga komuna e Prishtinës (91 raste), Fushë Kosovë (32 raste), Ferizaj (18 raste), Malishevë (13 raste), Podujevë (11 raste), Lipjan (5 raste), Obiliq (5 raste), Gjilan (5 raste), Vushtrri (5 raste), Prizren (4 raste), Suharekë (4 raste), Viti (4 raste), Drenas (4 raste), Mitrovicë (3 raste), Kaçanik (3 raste), Shtime (3 raste), Rahovec (2 raste), Hani i Elezit (2 raste), Kamenicë (2 raste), Klinë (2 raste), Deçan (2 raste) dhe me nga 1 rast komuna: Graçanicë, Gjakovë, Istog, Novobërdë, Skenderaj dhe Pejë. Rastet pozitive me RSV i takojnë grup-moshës 0-4 vjeç (200 raste), 5-14 (13 raste), 15-34 (4 raste), 35-50 (1 rast), 51-64 (2 rast) dhe 65+ (8 raste) (*Graf.5*).

Grafikoni.5



Sipas subtitipit: me subtipin AH3: 32 mostra apo 10%, me subtipin AH1N1: 12 mostra apo 3% dhe Influcencë A të pa subtipizuar, 286 mostra apo 87%. (*Graf.6.*)

Grafikoni. 6

AKTIVITETET SEZONALE

IKSHPK/Departamenti i Epidemiologjisë bënë mbikëqyrjen e Influcencës gjatë tërë vitit, me intensifikim të saj gjatë sezonës përkatëse (java e 40 deri në javën e 20).

Përcjell situatën epidemiologjike me rastet ILI/ARI (javore) dhe rastet me SARI (në bazë ditore/alerti).

Bënë testimin laboratorik të mostrave në Departamentin e Mikrobiologjisë/Qendrën Kombëtare për Testimin e Influcencës.

Ka dhënë këshilla për popullatën për mbrojtjen nga sëmundja dhe njohjen e simptomeve të saj.

MASAT PËR PARANDALIMIN E PËRHAPJES SË VIRUSIT TË GRIPIT SEZONAL

Aktiviteti i gripit për sezonën 2025/2026, është në nivel më të ulët krahasuar me sezonën paraprake dhe masat për parandalimin dhe kontrollin e infeksioneve respiratore janë:

Mbajtja e maskave.

Distanca fizike.

Higjiena e duarve.

Evitimi i kontakteve të afërta me individë të sëmurë.

Redukimi i vizitave të familjarëve tek personat e hospitalizuar (SHSKUK, Spitalet rajonale).

Evitimi i vendeve të mbyllura dhe të mbingarkuara me njerëz.

Ushqimi i shëndetshëm me shumë vitamina.

Aktiviteti fizik dhe gjumë i mjaftueshëm.

Personat e sëmurë të qëndrojnë në shtëpi.

- Pastrimi dhe dezinfektimi i mjediseve ku qëndroni.
- Mbulimi i hundës dhe gojës me një shami gjatë teshtitjes dhe kollitjes si dhe hudhja më pas në vend të sigurt.
- Larja e duarve shpesh me ujë dhe sapun, ose solucione duarsh me alkool.
- Sytë, hunda dhe goja të mos preket me duar të kontaminuar, pasi virusi përhapet në këtë mënyrë.
- Pastrimi dhe dezinfektimi i sipërfaqeve dhe objekteve që mund të jenë kontaminuar nga virusi.

Konsultimi me mjekun për mjekimin me barna kundër gripit, të cilat duhet të merren vetëm me rekomandimin e mjekut

Medikamentet kundër gripit duhet të fillohen brenda 48 orëve të para të fillimit të sëmundjes për të pasur efektivitet të lartë.

Ato mund të parandalojnë edhe komplikimet e rënda që mund të vijnë nga gripit.

Mënyra më efikase për parandalimin e virusit të gripit është Vaksinimi me vaksinën kundër gripit.

- Vaksinimi mbron vetë personin dhe ndihmon në parandalimin e përhapjes së gripit.
- Efekti i vaksinës fillon 1 deri 2 javë pas marrjes dhe mbrojtja vazhdon rreth një vit pas vaksinimit.

VAKSINIMI

Ministria e Shëndetësisë në bashkëpunim me IKSHPK në fillim të sezonës së gripit 2025/2026 ka siguruar 85,000 doza të vaksinës sezonale dhe me fillimin e sezonës ka filluar vaksinimi sipas rekomandimeve. Deri më 31 dhjetor 2025 janë administruar gjithsej 66,314 doza të vaksinës kundër gripit sezonal. Prej tyre sipas grupeve të rrezikut: 44,347 janë administruar te grup-mosha mbi 65 vjeç, 20,142 me sëmundje kronike, 1,287 profesionistë shëndetësor, 6 gra shtatëzëna, 49 fëmijë (0-5 vjeç), 195 zyrtarë policorë dhe 30 mësimdhënës dhe të tjerë 258.

HOSPITALIZIMET

Gjatë javës së fundit nga rastet e hospitalizuara në Klinikën Infektive, Klinikën e Pediatriisë dhe spitalet rajonale janë raportuar 37 raste me ARI, 2 raste me ILI dhe 1 rast SARI.

Nga Klinika Infektive deri më 08 shkurt 2026, janë raportuar 3 raste të vdekjes me Influcë A. Dy nga rastet i përkasin gjinisë mashkullore dhe një gjinisë femërore; i takojnë grup-moshës mbi 65 vjeç dhe me sëmundje kronike përcjellëse.

INFLUENCA SEZONALE JAVA 06/2026 NË EVROPË

Të dhënat e fundit mbi mbikëqyrjen epidemiologjike të viruseve respiratore në BE/EEA tregojnë se numri i rasteve me simptoma të sëmundjeve respiratore mbetet i rritur dhe ka vazhduar të shtohet që nga fillimi i vitit, duke sugjeruar qarkullim të gjerë të viruseve respiratore në shumicën e vendeve. Qarkullimi i virusit të gripit mbetet i përhapur. Në disa vende aktiviteti ka arritur kulmin, ndërsa në të tjera pritet të afrohet të kulmi sezonal. Fëmijët e grupmoshës 5–14 vjeç paraqiten si grupi kryesor që nxisin përhapjen, me rritje të rasteve si në format më të lehta ashtu edhe në ato më të rënda të sëmundjes. Në përgjithësi, hospitalizimet kanë shënuar rënie krahasuar me fillimin e vitit, megjithatë personat mbi 65 vjeç vazhdojnë të përbëjnë pjesën më të madhe të shtrimeve në spital, përfshirë kujdesin intensiv dhe vdekjet. Influenza A mbetet dominante, me bashkë-qarkullim të nëntipeve A(H1N1) dhe A(H3N2). Vlerësimet e hershme mbi efektivitetin e vaksinës sezonale kundër gripit për sezonin 2025/26 në BE/EEA janë publikuar nga ECDC më 19 dhjetor 2025 dhe përputhen me vlerësimet e raportuara nga vende të tjera, veçanërisht për viruset A(H3N2). Qarkullimi i virusit respirator sincicial (RSV) mbetet i rritur dhe vazhdon trendin në rritje, megjithëse ky sezon ka filluar më vonë krahasuar me dy sezonet paraprake. Fëmijët nën moshën 5 vjeç janë grupi më i prekur dhe përbëjnë shumicën e hospitalizimeve të lidhura me RSV. Aktiviteti i SARSCoV-2 mbetet i ulët në të gjitha grupmoshat dhe numri i hospitalizimeve të lidhura me këtë virus aktualisht është i kufizuar në krahasim me gripin dhe RSV-në. Sipas të dhënave të EuroMOMO, vërehen nivele të konsiderueshme të rritjes së vdekshmërisë së përgjithshme, kryesisht të nxitura nga rritja e vdekshmërisë në disa vende në grupmoshat mbi 65 vjeç. Sa i përket klasifikimit të varianteve të SARS-CoV-2, që nga përditësimi i fundit (28 nëntor 2025) deri më 30 janar 2026, varianti BA.3.2 është shtuar në listën e varianteve nën monitorim.

Burimi: <https://www.ecdc.europa.eu/sites/default/files/documents/Communicable-disease-threats-reportweek-6-2026.pdf>